


八齋戒作法要解



八齋戒作法要解序

竊以痛狂笑不醉酷睡嘲覺者寔  
不訪尸羅之藥其奚益哉蓋尸羅  
者正法之壽命也尸羅住則正法  
住矣由是婆譏縛帝通乎一化而  
親宜菩提薩埵逮于萬世以祇奉  
且夫尸羅有四位曰五八十具也



其中八關齋戒也者雖未脫俗塵  
直齋淨侶之德雖僅一日夜忽閉  
諸惡之門所謂敬無虛授者也粵  
我興正菩薩顯四依之像歷五帝  
之師起華梵未發通受紉扶衆既  
絕別受以故靈神欽伏異賊覆滅  
或馱舍利都現于机上矣或覺母顯於

空中焉彼思圓佛之嘉號豈為過  
乎師又禪誦餘間著此文以被時  
衆雖專事直筆意與鬼神爭真莫  
不緇素並駕古今俱露譬如蕭艾  
蒙其溫芝蕙被其涼乃者東岳挂  
錫沙門一雨閣梨其生也薩州人  
法界三昧久修習遮那五祕亦游

沐方今當澆末之運念激無戒滿  
于闇浮遂依教蒐輯要文而做注  
解目之曰八齋戒作法要解廼命  
荆刷氏以公諸世雖言他家不解  
律刑自宗猶困於未聞然匪不濟  
新學費功可謂救急備卒矣余聽  
采暇欲俾渠志之敦余願之滿漫


題云

肯延寶庚申孟冬穀旦

鳩峯下重受比丘實長

乘春

微



○此作法大分爲二

初題額

# 齋別受八戒作法要解

## 齋別受八戒作法

就題額傳有二點一者齋別受八戒作法一者齋別受八戒作法於中以初點爲正意毘婆沙論云夫齋者以過中不食爲體以八事助成齋體若相支持名爲支齋法是故言八不言九然此作法總合故八無餘初目緣論云劫初有聖人教人持齋修善避凶直以一日不食爲齋後佛出世教人

過中不食爲齋此名正法矣法苑珠  
林云謂禁止六情不染六塵齋斷諸  
惡修衆善故名齋請觀音經疏云齋  
者只是中道也後不得食者表中道  
法界外無別法也名義集云烏脯汝  
他此云受齋又云增長謂受持齋法  
增長善根故也矣易云聖人以此齋  
戒注洗心曰齋又敬也矣別受者菩  
薩乘之人惣先受梵網瑜伽寶戒此  
是通受也或兼學小乘四分律儀等  
此是別受也今既謂八齋戒五戒攝  
律儀居家臨齋且而別受八戒攝律

儀出家法故題云齋別受八戒作法  
與八戒者業疏云八即所防之境戒  
能治之業作法者又云身口方便名  
之爲作中論疏云真極可軌死以云  
法

### 興正菩薩造

初而歲十一離家師事醍醐山  
十七落髮學密乘初唐鑑真天  
寶六年傳持律藏流行上邦年代悠  
久其學寢微尊常痛律幢之摧地嘉

撰號

禘二年與同志者四人依大乘三聚  
通受法自誓受戒自於南京西太  
寺盛弘戒法四律五論三大五部無  
不研究寬元三年於泉州家原寺又  
行別受法此歲授法華寺文鑑沙彌  
尼戒建長元年於法華寺授慈善等  
大比年尼戒至此七衆皆備戒學再  
興成于尊也文應上皇聞尊之戒行  
設入宮受菩薩大戒后妃公侯望塵  
稟受者多矣正應三年八月二十五  
日終西太寺年九十尊內持密教外  
興律宗旁涉唯識以故講論可聞徒

三本文六  
初發戒儀一

初標章

### 先教發戒儀

屬振振德威震四遠密灌者七十餘  
道俗受戒者數萬人置放生於諸州  
一千三百五十六所永仁中賜謚興  
正菩薩菩薩者名義集曰一曰菩薩  
肇曰正音云菩提薩埵菩提佛道名  
也薩埵秦言大心衆生有大心入佛  
道名菩提薩埵造者普觀記曰造謂  
製作筆削記曰製作者揀非撰述也

俱舍頌疏曰教是教授令人修善發  
啓發警策云佛先制律啓創發蒙戒

二平教二

初歸敬述意二

初歸敬

名防非止惡大乘義章云律儀者制  
惡之法說名爲律行依律儀又復內  
調爲律外應真  
則目之爲儀也

敬白法報應化三身如來教理行果八

萬聖教文殊彌勒諸大菩薩迦葉迦旋

延等諸賢聖衆惣一體理體一切三寶

言

本贊云崇仰云敬三身名稱經教殊  
說且依十佛名稱清淨法身毘盧遮  
那佛圓滿報身盧遮那佛千百億化  
身釋迦牟尼佛也具如唯識第十如  
來者祕藏記云如來謂成佛已後以  
悲願力故垂化也乘如而來故曰如  
來教理行果者心地觀經曰聲名句  
文名爲教法有無諸法名爲理法戒  
定慧行名爲行法無爲妙果名爲果  
法如是四種名爲法寶引導衆生出  
生死海八萬聖教者牛觀記云且舉  
大數故云八萬具足應云八萬四千



唯識述記云言聖教者聖者正也與  
理相應於事無掩目之謂聖此亦說  
教名爲聖教文殊者法華文句曰文  
殊師利此云妙德新曼殊室利此云  
妙吉祥也彌勒者此云慈氏思慈目  
者衆生見者即得慈心三昧故名慈  
氏迦葉此云飲光迦旃延此云不定  
等者賢聖非一故也三寶者舉四種  
三寶具明如下今文初約別躰法報等  
八字佛寶次八字法寶次十八字僧  
寶也釋氏要覽云別體三寶者此有  
二宗初小乘說天六金身是佛寶四

諦十二目錄生空教是法寶四果緣  
覺是僧寶次大乘說三身如來是佛  
寶三空教是法寶三賢十聖是僧寶  
今正約大乘兼攝小乘故云一切一  
者普及爲言切盡除爲語三寶者宋  
密云如世金玉於世最上三寶亦爾

方今信善男子善女人等期一日一夜

乃至七日親近三寶欲受齋戒

方正也信者本業經云以入三寶海  
以信爲本善男子等者通名四衆宗

八齋戒作法要解

五

信以入  
信道深功德世

二蓮意

二正示受戒

初結前生後

### 其志云何

密云善男子善女人者輒而高之慕  
 祥云善男子者有紹繼我故名爲子  
 綱幹之能故稱爲男所行有利他符  
 理清昇感樂義目之爲善等者此類  
 非一故也親近者要覽云比丘云何  
 親近佛答云若比丘於諸法中不見  
 有法者近若遠是則名親近於佛解  
 云於三寶勝境生親愛心故欲受齋  
 戒欲者大日經疏曰名信  
 意好樂受謂受得之義也

二正廣闡示

初總叙戒德

初滅後師

其者廣韻云指物之辭志者說文云  
 心所之也詩在心爲志論語注謂心  
 之所  
 生也

諸佛出世導物當時是釋迦一代之末  
 也十方衆生隨機得益我等則遺法值  
 遇之人也萬德之尊容者雖隱教文留  
 而爲濁世之導師四辯之梵音者雖絕

戒法傳而為滅後之師範若如實信若

如教行與佛在世等無差別

諸佛出世者法華曰云何名諸佛世尊唯以下大事因緣故出現於世諸佛世尊欲令眾生聞佛知見使清淨故出現於世釋迦者具釋迦牟尼智旭云釋迦此翻能仁佛之姓也牟尼此翻寂默佛之名也約姓則事相有異故論中稱為別相約名則諸佛理同故稱為總相又能仁則具大慈

悲不住無為此相與二乘全別寂默則具大智慧不住有為此相與二乘略同具此總別名之為佛一代者集解云若三十年為一代其義猶局今則但取一代更即釋迦如來之一代非毘婆尸等又集註云五十年說法為一代十方者妙樂云十方為橫三世名堅眾生者如下記隨機得益者起信論云但隨眾生見聞得益故說為用釋論云而諸眾生見聞得益自心量中獲得利益市德云雖真理妙智本來常寂不妨隨機而應益用無邊

萬德者清涼演義鈔云萬者總相之  
大數也實具無盡之德無盡之德總  
名萬德尊容者法華云容顏甚奇妙  
光明照十方雖隱等涅槃後分云雖  
佛滅後法身常在是以深心供養其  
福正等教文留者如遺教說濁世者  
五濁惡世也戒環曰所謂劫濁者劫  
言時也時多惡事混濁起業煩惱濁  
者開即九十八使惣即貪瞋癡等五  
鈍混濁障事眾生濁者長養無明支  
離六道眾惡相生混濁障性見濁者  
開即六十二見惣即身邊等五利混

濁障理命濁者業識為種交遘發生  
隨劫短滅泯沒生死劫濁無別躰但  
依四者增劇立名釋迦出當劫減壽  
百歲時四者正劇故云劫濁亂時眾  
生垢重等導師者又曰導師者導邪  
入正四辯者清涼演義鈔曰辯謂巧  
顯濇理也一義無礙二法無礙三詞  
無礙四樂說無礙梵音者補註云梵  
是四等慈悲喜捨四觀照之即成俗  
諦故名梵音梵謂清淨之義如實信  
者慧遠云如實者遣邪取正故曰如  
實若如教行者如法修行也涅槃經

第二十三云云何菩薩如法修行寧捨身命不犯禁戒是名菩薩如法修行

二引經證三

初遺教

經云汝等比丘於我滅後當尊重珍敬波羅提木又如闇遇明貧人得寶當知此則是汝大師若我住世無異此也戒是正順解脫之本依因此戒得生諸禪

定及滅苦智慧若人能持淨戒是則能有善法若無淨戒諸善功德皆不得生誠是定慧之依因諸善根本也

智旭云此比丘此翻除饑即福田之稱也又含三義一怖魔二乞士三破惡然佛之遺教通誠一切四眾弟子而經中處處獨舉比丘者亦有二義一者示遠離相故二者示摩訶衍方便道與二乘共故三者比丘為四眾之

八齋戒作法要解

九

首舉其首以該四眾亦皆同遠離行  
故言滅後者即示現遺教義波羅提  
木又此翻保解脫亦翻別別解脫  
身口七非五篇等過別防止  
古述云別出非故名別解脫亦云處  
處解脫此即是不盡滅法  
佛滅則法滅以有戒在則法不滅  
有此不盡滅之法是如來法身常度  
也衆生依此法身度二種障得度煩惱  
暗障故云如闇遇明得度空無善根  
障故云如貧得寶佛在世時以佛爲  
師佛滅度後以戒爲師不能持戒則  
同堂猶隔萬里苟能持戒則百世何  
異同時金口誠言若此奈何捨此別

求乎是故行人之欲正順解脫必以  
此戒爲本因戒生定因定發慧定慧  
無不從戒生能有善法者是勸常集  
功德若無淨戒等是知多過惡後  
涅槃經曰阿難如涉所問佛去世後  
以何爲師者阿難尸波羅戒是涉本  
師依之修行能得出世甚深定慧  
也定慧依因者出首楞嚴經往悉

華嚴偈曰戒是無上菩提本應當具足  
持淨戒若人堅持於禁戒則是如來所

八齋戒作法要解

十

二華嚴

讚嘆

此文在第六卷戒疏上曰尸羅此  
翻為戒戒有何義義訓警也由警策  
三業遠離緣非明其因無上者十在  
論第一云更無勝者故曰無上菩提  
者大乘義章第九云菩提胡語此翻  
名道果德圓通故曰菩提戒疏云  
宗者根也從也能生於道務戒為  
道本也梵網古迹云萬行之始以戒  
為本萬行之終菩提為果是故三際  
皆由戒成佛讚嘆者慈恩云是理

涅槃

美且讚觸事論曰歎矣解云具足  
者尼戒三百五十條比丘戒二百五  
十條菩薩三聚及五十八戒俱名具  
足經意約通受具戒乎講者密斯

涅槃經云欲見佛性證大涅槃須浚心

修持淨戒若持是經而毀淨戒是魔眷

屬非我弟子我亦不聽受持是經

出梵行品往拜闍佛性者經曰佛性  
者即是下切諸佛阿耨多羅三藐三

八齋戒作法要解

菩提中道種子佛性雖常以諸眾生無明覆不能見復次善男子佛性者即首楞嚴三昧性如醍醐一切諸佛母矣。大涅槃者簡小乘涅槃故云大。天台云小乘涅槃滅身滅智為無餘。大乘以般若不盡德無不圓為無餘。生滅觀在名有餘也。深心修持淨戒者經曰當深心修持淨戒爾時以是日緣於未來世在在處處戒常清淨。乃至安住方等大涅槃經悉見佛性以淨戒故心得歡喜善男子如端正人自見面貌心生歡喜持淨戒者亦復如

是破戒之人見戒不淨心不歡喜如形殘者自見面貌不生喜悅破戒人亦復如是若人受持是涅槃經毀禁戒者當知是經為無威力若無威力雖復讀誦無利益緣是輕毀涅槃經故復令無量無邊眾生墮於地獄受持是經而毀戒者則是眾生大惡知識非我弟子是魔眷屬如是之人我亦不聽受持是典解云夫三有牢獄靡寧為桎械枷鎖無過破戒破法觀本性窮常樂止藉尺羅之功其德如經廣說深心者普觀記曰言深心者



謂即大願也由此方便積集福智殊  
勝功德青龍疏曰受持淨戒三業爲  
性持淨戒者守護律儀三業無失魔  
者大論云秦言能奪命能奪智慧命  
故又翻爲障爲修道作障故也眷屬  
者玄義曰性親愛故名眷更相臣順  
故名屬我者如來自稱弟子者行事  
鈔云學在我後名之爲弟解從師生  
名之爲子聽許也受持者良賁云受  
謂領受持謂不忘依天台釋信力故  
受念力  
故持也

三

夫感地獄鬼畜之報必依毀戒之輕重  
受淨土人天之生徧答戒淺深是以翔  
法性之空以戒爲翅行菩提之道以戒  
爲足渡生死之海以戒爲船成功德林  
以戒爲地何況運運防非之德遍三界  
而普至倍倍增長之用任期限而無絕

益廣誓遠何善及之

地獄鬼畜等者玄贊云梵云捺落伽此云苦器亦云不可樂亦云非法行處造非法行處也在於處處今言地獄復本大處以為言耳雜心云以從他求又常飢渴恐怖多思故名餓鬼俱會云以誘行故名畜生或名畜生畜者畜畜之義人之資具人死畜養之生故名畜生首楞嚴第八曰云何現業阿難如是清淨持禁戒人心無貪淫於外六塵不多流逸世尊為

正妙明真淨妙心本來徧圓如是乃大地草木蠕動含靈本元真如即是如來成佛真勝佛體真實云何復有地獄餓鬼畜生修羅人天等道世尊此道為復本來自有為是眾生皆習生起世尊如寶蓮香比丘尼持菩薩戒私行淫欲妄言行淫非殺非偷無有業報發是語已先於女根生大猛火後於節節猛火燒然墮無間獄善星矣說一切法空生身墮入阿鼻地獄此諸地獄為有定處為復自然彼彼發業各各私受惟垂大慈發開

童蒙令誦一切持戒衆生聞次定義  
歡喜頂戴謹潔無犯佛告阿難快哉  
此問令諸衆生不入邪見汝今諦聽  
當爲汝說阿難一切衆生實本真淨  
因彼妄見有妄習生是故衆生心持  
禁戒舉身輕清心欲去天夢想飛舉  
心存佛國聖境具現事善知識自輕  
身命純想即飛必生天上自然心開  
見十方佛一切淨土隨願往生情想  
均等不飛不墜生人間有謗大乘毀  
佛禁戒誑妄說法虛食信施濫膺恭  
敬五逆十重更上十方阿鼻地獄徧

造惡業阿難此等皆是彼諸衆生自  
業所感矣業報差別經云復有十業  
能令衆生得地獄報何等爲十一者  
身行重惡業二者口行重惡業三者  
意行重惡業○以是十業得地獄報  
復有十業能令衆生得畜生報何等  
爲十者身行中惡業二者口行中  
惡業三者意行中惡業○以是十業  
得畜生報復有十業能令衆生得餓  
鬼報何等爲十者身行輕惡業二  
者口行輕惡業三者意行輕惡業○  
以是十業得餓鬼報矣今五惡繫引二經

毀戒輕重悉知戒淺深者發願迴向  
自明矣是以下智度十三云當堅持戒如  
護身命何以故譬如大地一切萬物  
有形類皆依地而住戒亦如是為一  
切善法住處復次如無足欲行無翅  
欲飛無船欲度是不可得若無戒欲  
求好果亦復如是解云及此可解戒  
經序云持戒淨心以攝心正憶念多  
聞生實智斯由戒為本戒為大舟船  
能渡生死海戒為清涼池澡浴諸熱  
惱是故有智人堅心守護戒寧喪身  
身命慎勿有邪犯運運防非者表無

二別觀戒九

初示戒德三

初起舉戒德

表戒身念  
念倍倍也

其中八齋戒者導屠獵之神術救劣機  
之要法也雖不護五戒受之時暫入近  
事之位雖不離俗塵持之者乃齊出家  
之德善從之生長諸惡為之消滅下日  
一夜之時分雖不幾計無量無邊之利

八齋戒作法要解

益不可說盡

上、愬明衆戒、億今、揀之、故言其中也。  
導屠獵之神術者、涅槃經曰、佛言、本  
主波羅奈國、有屠兒名曰廣額、於日  
月中、殺無量、見舍利弗、即受八戒、  
經一日一夜、以是因緣、命終得爲北  
方天王、毘沙門子、解云、舉齊戒勝能、  
最、有、死、以、智、度、論、曰、殺、爲、衆、罪、之、重、  
是、故、佛、說、十、不、善、道、中、殺、最、在、初、五、  
戒、中、亦、最、在、初、若、人、種、種、修、諸、福、德、  
而、無、不、殺、生、戒、則、無、不、益、諸、餘、罪、中、

殺罪最重、行者欲學大人行、故當不  
殺、云是知、八齋戒、亦爾、廣韻曰、屠、殺、  
也、郭文曰、獵、逐、禽、也、神、謂、不、測、曰、神、  
術、謂、道、也、劣、機、者、廣、韻、曰、劣、弱、也、少、  
也、說文曰、主、發、謂、之、機、法、要、者、上、  
經云、法之要妙、樂去、下法、攝一切法、  
故名要、雖不護等者、智度論問曰、白、  
衣、居家、唯此五戒、更有餘法、邪答曰、  
有、一、日、戒、六、齋、日、持、功、德、無、量、問曰、  
五戒、下日戒、何者、爲勝、答曰、有、因、緣、  
故、二、戒、俱、等、但、五、戒、終、身、持、八、戒、一、  
日、持、又、五、戒、常、持、時、多、而、戒、少、下、日、

二別引經證四

初證菩提

戒時少而戒多解云時暫與時少義  
相同近事者十住心論曰成實論云  
得五戒名為優婆塞此云近事青龍  
疏云歸依佛法僧寶親近承事  
重師護尸羅故或能習近如理  
壞惡業故或能近事佛為師故  
諸佛得淨尸羅善意樂也

若持此戒滅無量罪必得菩提優婆塞  
戒經云受八戒者除五逆罪餘一切罪

悉皆消滅善男子是八戒齋即是莊嚴  
無上菩提之瓔珞也如是齋者既易作  
而能獲得無量功德若有易作而不作  
是名放逸

引第五卷消滅下略去而言善男子  
乃至是名放逸矣八戒之相如下文  
者釋論云者即人也莊嚴等者戒經  
曰戒如明日月亦如瓔珞珠智度論

八齋戒作法要解

云持戒莊嚴勝於七寶放逸者唯識云於染淨品不能防修縱蕩為性五逆罪者殺父殺母殺阿羅漢出佛身血破和合僧罪者玄贊云可毀可責可怖可厭之義若因若果可毀厭者皆名為罪

又此戒即為往生佛土正因觀經云若一日一夜受持八齋戒乃至戒香熏修如是行者命欲終時見阿彌陀佛與諸

眷屬放金色光持七寶蓮華至行者前行亦聞空中有聲讚言善男子隨順三世諸佛教故我等迎汝上生經云若一念頃受八戒齋修諸淨業命終之後譬如壯士屈伸臂頃即得往生兜率陀天於蓮華上結跏趺坐又涅槃經偈云

若為無上道，一日一夜中受持八齋法，即生不動國。

律生正因者，觀經云：欲生彼國者，當修三福：一、孝養父母，奉事師長，慈心不殺，修十善業；二、受持三歸，具足眾戒，不犯威儀；三、發菩提心，深信因果，讀誦大乘，勸進行者。如是三事，名爲淨業。○此三種業，三世諸佛淨業正因。元照云：三世果德藉此戒，故成正因也。乃至者，越沙彌戒，百具足戒，一夜說文，故也。戒香薰修者，又云：持戒感德，名香。

浪聞故，善男子，下有如汝善人四字，隨順三世，喻如香。○隨順等者，又云：三世諸佛並勸持戒，修善，故今持戒即是隨順。諸淨業，言六事法：一、生經曰：佛滅度後，我諸弟子，有精勤修諸功德，威儀不缺，掃塔塗地，以眾名香妙華供養，行眾三昧，深入正受，讀誦經典。○如是等輩，若一念乃至修淨業，發弘誓願，今前引略發等四字命終等，云慈惠疏云：行六事華極少，但於一念頃，至心持八戒齋，隨修淨業，發願迴向，定生言：一念非餘時，犯唯一念，持戒初發願，一念持，故何況多時矣。譬如等者，又云：顯業決定，生速疾，現率陀天者，生經曰：汝



於閻浮提廣修福業來生此處此處  
名毗率天今此天主名彌勒汝當歸  
依結跏趺坐者智度論云問曰多有  
坐法佛何以唯用結跏趺坐答曰諸  
坐法中結跏趺坐最安穩不疲極此  
是坐禪人坐法大日經供養法疏云  
跏趺坐者凡坐法聖善寺王藏和尚  
邊面受左足先著右膝上右足次著  
左膝一名為蓮華坐涅槃經者高貴  
德之所渴也不動國者淨名經曰有  
國名妙喜佛号無動矣所謂阿閼佛  
國云東方不動國故疏云阿之言無

閱之  
言動

三藏經

又此下勝諸施等功德隨舍迦經中佛  
言十六大國中珍寶物施與比丘僧不  
知齋戒一日一夜齋戒使人度世道以  
財寶不能使人得道今我得佛道本從  
是八齋起

八齋戒作法要解

廿一

由證獲福

諸施等別舉七寶通可知施財非一  
故云等優婆塞戒經云若有人以四  
大寶藏滿中七寶持布施人所得功  
德不如有人以日一夜受持八戒佛  
言下經云譬如天下十六大國滿中  
衆寶不可稱說不如一日受佛齋法  
比其福者十六國為一且十六大國  
者五天竺國舍衛手舍等世道者有  
為世  
間注

又依此戒生生得福譬喻經云一日持

三惡生類

齋有六十萬歲餘糧

凡少功大更不如戒是即止惡之

初門出苦之指南

止惡者名戒本賢云戒則出苦證樂  
之門指南者東京賦云幸見指南於  
吾子註綜云言已惑不知  
南北今先生指我矣

但雖送多生不受人身者不信雖經廣

二兩聚生迷

八齋戒作法要解

廿二

劫不遇佛法者不聞後心善緣適具一緣誰不起  
狀心於生死希遇知識何不企欣求於  
菩提三首雖然被牽串習之惡鎮超名利之  
門被繫煩惱絆空耽財色味貪者沈困  
苦秋六徒長富者誇歡樂春日暮湯塵  
求水之蹄空疲駕駘馴策之虜無驚洋

朝迎夕唯殖三途之苦因從生至死無  
壽之六之聖財

解云不受人身者明無戒過業不遇  
佛法者為善本未植濁業強盛故也  
法華云波著虛妄法堅不受捨我慢  
自於高誦曲心不實於千萬億劫不  
聞佛名字亦不聞正法如是人難度  
適具下顯示發心起行善緣二緣可  
知希希有為言知識者未舍去聞名  
為知見形為識是人益我菩提之道

名善知識雖然下約三道可解雖然  
與奪為義越名利之門者發心集所  
謂悲哉服名利毒藥於幻化之身中  
而空度二世愚哉結恩愛繫縛於迷  
亂之心而上而徒送一期天合云各聞  
利養嵐前慈悲燈易消不照云貪名  
利更增塵垢皆斯謂被繫等者不照  
所謂貪瞋更增長重被煩惱繫財  
色味云又謂貪財色長養結使惡業  
繫於聖三惡道一切苦因果財色為  
系十方眾生無始已來為財相殺者  
過微塵數為色相殺者數復過是道

俗二流為於財色受千萬種苦四  
十章經云佛言財色於人不如捨譬  
如蜜不足一餐之美小兒哉  
乏則割舌之患貧者者八人大覺  
經云貧苦多怨結惡緣困窮也秋  
等者發心集所謂夜則為睡眠所侵  
晝又為塵事所汙秋夜長夜長徒明  
春日遲日遲空暮自行敢不勤況及  
益他人乎我心猶難憑況於真知見  
哉且夫約生死長夜解有說不照云  
三界輪迴苦六道生死長如是諸惡  
過謹慎好思量渴鹿者約能迷心所

謂渴鹿野馬奔於牽鄉慈恩云西域  
共呼陽炎為鹿愛以鹿熱渴謂之為  
永而生愛故蹄空疲者言迷執甚疲  
鹿是無手故云蹄蹄足也駕騎者俱  
最下馬也文選註向云駕劣馬也廣  
韻云駘駕馬也駘從也策鞭也送朝  
迎夕等野山大師所謂朝朝夜夜勞  
衣食之奴歲歲月月繫恩愛之繼  
死此六彼生死之獄難出作人作鬼  
病苦之怨易招與本文約下期言生  
死之苦因義相依可解三途火血乃  
西域記曰儒書春秋有三塗危難險

之處借此名也塗道也謂惡道也  
種之聖財者瓔珞本業經云十財信  
施戒聞慧資  
用成故說財也

三教大慈相  
初明慈化廣

是以我釋迦大師乘如實道來三有之  
中牽無緣慈化五趣之生或悲見六道  
衆生貧窮無福慧入生死險道相續苦  
不斷或勸汝一心精進當離於放逸諸

八齋戒作法要解

廿五

佛甚難值億劫時一遇或誠二界無安  
猶如火宅衆苦充滿甚可怖畏或說而  
今此處多諸患難唯我一人能爲救護  
如是以種種隨宜方便度剛強難化衆  
生

釋迦如上記大師者師範也大簡小  
滿稱三界大師者瑜伽論云能化導

無量衆生令苦寂滅又云摧滅邪穢  
外道出現世間故號大師三有者衆  
沙論云欲有二色有三無色有有  
者何我謂一切有漏法是又生滅故  
名有五趣者約合開則六趣矣四節  
或字下法華金文或悲下自見六道  
至苦不斷方便品頌戒環云窮無福  
慧衆生濁也生死不斷命濁也或勸  
下自汝一心至時一遇序品頌也慈  
思此一頌讚云此誠勸厭化精進爲  
出世之根放逸爲生死之本理須修  
斷或誠下自三界至救護譬喻品頌

也於下可怖畏與而今中間彼有一十  
二句今略之而巳三界無安等一頌  
末贊云宅宇危朽五蓋俱爲四臻苦  
所逼遷謝變改如是者靜恭法師云  
如即損法是即定辭如法所說一切  
皆是故言如是種種等者經云舍  
利弗我今亦復如是隨其本性以種  
種因緣譬喻言詞方便力而說法如  
此皆少得下佛乘一切種智故也亦  
贊云云者統情機之法軌便濟物理  
之要宜教教之二字恐傳寫誤乎今  
改作剛強維摩經云此土衆生剛強

難化

矣

二遊佛息深

是以涅槃經云一切衆生受異苦即是  
如來一人苦譬如父母思病子大悲之  
恩德碎骨而可報悲哉依衆生罪障却  
還生如來之苦惱不孝之至可耻可耻

涅槃經云下三句二十七字在迦葉  
品讚佛偈衆生者戒在云往來生死

八寶戒作法要解

廿七

名為眾生如來十人。苦者演義鈔云  
譬如有人唯有一子愛念情至。忽見  
被三人割截支體。其心痛切。不能自安。  
菩薩摩訶薩亦復見諸眾生造煩惱  
業。隨三惡趣受種種苦心。大憂惱。  
悲之恩德者。謂如來乘大悲願力。救  
護眾生。猶如病子是為恩德。華嚴疏  
云。見其造惡。如割支體。即大悲深重  
恩故。謂佛菩薩始自發心。普緣眾生  
難行苦行。垂形六道。見其造惡。如割  
支體。見其憍恣。隱其勝德。示迹涅槃。  
留餘福教。以濟危苦。斯恩德何可報。

耶演義鈔云。投形鐵虎香城。粉骨雪  
嶺。亡軀如是等事。皆為眾生解。云佛  
已如是。真碎骨可報。故野山大師云。  
願我粉身奉圖。折骨書寫。以益自他。  
以酬恩海。又所謂一佛之名字。憂曇  
非喻。是故雪童投身。精進剥皮。滿界  
財寶。不如一句之法。恒沙身命。不比  
四句之偈。輪王為床。喜見燒身。良存  
以華嚴經云。粉身致命。無所顧惜。不  
孝者。又云。身與口心行十惡。不忠不  
孝。罪業繁可耻者。遺教補註云。強與  
安名。只為鳥鼠僧。僧眾少尊。而有鳥鼠



名可耻其甚哉矣百喻錄經云烏鼠即  
 蝙蝠是云說六種可耻如廣弘明集  
 爰善男子等火宅窓外風聞慈父救醉  
 鄉枕下漸覺妄想夢已發難發之無上  
 道心忽信難信之甘露淨戒期下日下  
 夜親近三寶之境界受八齋戒備解脫  
 之勝因内外緣自熟出離之期云近縱

火宅法華譬喻  
 三身無妄言云  
 但權圖事小又

順次遂往生佛土之身縱現身滿上求  
 下化之願一一志願何事不成可悅可  
 勇不可不勵

火宅者心地觀經云法寶能為大寶  
 車能運眾生出火宅慈父救者又云  
 能為世間大慈父憐愍一切諸有情  
 醉鄉者木師所謂苦哉痛哉在醉人  
 矣枕下等者有心集云波更之夢空  
 枕上一念虛妄境界依境界變覺已知

依虛妄境界不實已發下起信論云  
懼謂信心難意欲退者當知如來有  
勝方便攝護信心謂以專意念佛因  
緣隨願得生他方佛土常見於佛故  
永離惡道且露淨戒者戒經序云戒  
為甘露門眾聖所遊一日一夜者  
量壽經云齋戒清淨一日一夜勝在  
無量壽國為善百歲親近三寶者如  
上記法華經云迦葉自佛言我亦歸  
三寶是名為正路諸佛之境界解脫  
之勝因者遺教云戒是正順解脫本  
內外緣者內受八戒外親近三寶野

山大師云有二種因有二種緣一者  
從他聞種種隨順法聲二者內心起  
於正念出離者名出三界滅三毒順  
次等者秘釋云韋提月蓋遂現身於  
往生龍樹護法期順次往生何事不  
成者無量壽經云至心精進求道不  
止會道起果  
何願不遂乎

何況此世無常之境也猶如春夜夢此  
身不定之命也何異秋電光生涯者逐

五示無常相

日而減少水之魚不可樂死門者隨步  
近屠所之羊為如何若無為空死後悔

更何益

遺教云當知世皆無常會必有離勿  
懷憂惱世相如是猶如等者發心集  
云春云秋來三途之鄉已近命即隨  
日而徙春朝散華之人夕散北地之  
風秋之夕伴月之輩曉隱東岱之雲  
昔見人今無體去名留彼夢歎非夢

一生易過萬事無實不異朝露相  
夕電矣起信論云過去所念諸法  
忽如夢現在所念諸法猶如電光未  
來所念諸法如浮雲歎亦而起逐日等  
者戒序云是日已過命亦隨滅如少  
水魚斯在何樂屠所羊者心地觀經  
云我此身命能得幾時是日已過命  
隨滅少猶如牽羊詣彼屠所漸漸近  
死無所逃避身壞命終生於何所三  
惡道苦云何脫免若無等者遺教云  
常當自勉精進修之無為空死後致  
有悔節要云於世有何利益臨終一箇

也 悔

當其時男女妻子之親身還繫生死為  
 錫珍寶靈貨之伴侶訪前途於誰人  
 遂幽闇無有燈明辨東西於何方獨迷  
 冥冥曠野之中唯聞赫赫楚毒之聲或  
 說欲往前路無資糧求往中間無所止

或演死去無一來相親唯有黑業常隨  
 還嗟呼以何為冥土貯以何為後世伴

其時者言命終時妻釋名云妻齊也  
 夫賤不足以尊稱故齊等言也天由  
 云繫為繫礙連身名鎖南山云妻子  
 如枷鎖其靈貨者廣韻靈龍也福也  
 鄭康成云金玉曰貨說文貨財也  
 量壽經云愛寶貪重心勞身苦如是  
 其竟無所恃怙獨去無一隨者  
 矣 邊等者聖行品云夫死者於嶮

難所無有資糧去所懸遠而無伴但  
晝夜常行不知邊際深遠幽闇無有  
燈明入無門戶而有處所往無止  
其辨東西者心地觀經曰迷惑東西  
不能辨徧身疼痛無所堪憊迷等者  
無量壽經云冥冥別離久長道路不  
同下入惡道無有出期矣辨嚇者師  
古云怒貌也楚痛釋名云數有戰等  
相害辛楚之禍也毒廣韻云痛也害  
也苦也或說者聖行品如上或演者  
寶積經九十六曰臨命終時苦逼身  
妻子女無能相救者於彼三塗怖畏中

不見妻子及親識車馬財寶屬他人  
受苦誰能共分者父母兄弟妻子朋  
友僮僕並珍財死去無一來相親唯  
有黑業常隨逐智人終不為親愛作  
諸惡業入阿鼻唯除業盡  
方得出親屬無有能代者

而大集經偈云妻子珍寶及王位臨命  
終時不隨身唯戒及不放逸今世後世  
為伴侶

七歡持此戒二  
初引文

第十四卷

全文也

此文誠為我等來世之目足然則如端  
 頭燃急狀離眾事如守眼睛冥護持齋  
 戒僅以少時分功用滅無始之罪障必  
 依八齋戒威力得永劫之安樂宿善純  
 熟可仰可信是太聖哀生垂教信與不

得益明

信唯在人意譬如良醫知病設藥服與  
 不服非醫咎

目足者遺編云願行相副目足更資  
 如車二輪如鳥兩翅此謂戒行如佛  
 等者止觀七云如觀已心大怖畏  
 眠不安康食不其哺如救頭燃如守  
 眼睛者千手經云如護眼睛如護已  
 命與餘文可解垂教者止觀云教是  
 上聖被下言也解云教約通別通可  
 知別所引經等顯明也譬如等者遺

八齋戒作法要解

教  
經

抑所以此戒名八關齋者關杜也閉也  
禁也又關即齋也若受八戒便杜惡趣  
之門故以前為體具餘七支故名八齋  
戒

法苑珠林問曰諸經論中何名八關  
齋亦名關戒耶答曰前八是關關

惡不起諸惡不非時食者是齋也謂  
禁止六情不染六塵斷諸惡具修衆  
善故名齋與  
前者指第八

其八戒者第一不殺生者乃至蠢動傍  
生一切有命者不得故殺若害之者非  
唯害血肉之形兼損法身之所依非唯  
忌多生之恩又斷太慈性種凡行殺者

命終之時惡相現前墮在地獄受苦無窮正受者四初鐵山或鐵山碎身火鳥身釵林割肉或火鳥破骨熱地嗟泣淚不落猛火焦眼故叫聲不出鐵丸滿咽故三生九明一日一夜感八萬四千之生死萬劫萬生受恒河沙數之苦惱適出為人多病短命罪報尤重故佛四現在果明

制之シテ

古迹云世間所畏死苦為極損他之中無過奪命與智論云諸餘罪中殺罪最重諸功德中不殺第一也越上諸佛聖人父母故云乃至至蠱者廣韻云蟲動自也斷大慈等者經云一切肉不得食斷大慈悲性種子古迹云由食至殺故矣說釵林地獄等報相如智度並十善戒經

第二不偷盜者乃至一草一粒穀皆不



得取夫偷盜之罪現當被逼迫現在常處牢獄後世必墮泥犁引證十善戒經說偷盜果報云或墮在地獄冰山碎身火箭入心鐵刺剥皮釵華削骨求死不得經無量歲受苦無間或生餓鬼中取鐵丸休飢飲鑊湯助命雖經百千萬劫不聞

水穀之聲適生人中裸形黑瘦口氣臭穢故佛制之

古述云世間醜謂盜也如應障道廣招苦故寧應捨身以避斯咎何以少財自辱二世兵竊取名偷顯奪名劫盜通二不與取名也智論云不與取者知他物生盜心取物去離本處物屬我是名盜不作是名不盜兵說偷盜果報如法苑珠林並十善戒經

第三不姪者乃至非人畜生一切男女  
不得姪行夫無索縛心懸生死之獄非  
刀害人障出離之道莫過姪欲如智論  
誠姪偈云世人愚惑貪著五欲至死不  
捨為之後世受無量苦又經云女人家  
為惡難與為因緣恩愛一縛著牽人入

罪門又智論引經云執釵向敵是猶可  
勝女賊害人是不可禁毒蛇含毒猶可  
手以投女情感人是不可觸潤業尤重  
故佛制之

解云五戒禁邪開正此戒邪正共禁  
故云不姪乃至者自親至疎故夫下  
古述云生死牢獄姪為枷鎖深縛有  
情難出離故智論云繫縛心故立為

大罪又經者優填王經法苑珠林第九十一引之引經者智論第十四往悉毒蛇彼作虺蛇手投亦作手捉不姪勝德姪欲罪相如十善戒經

第四不妄語者違心出語一切皆犯夫

妄語之人其心虛誑不受善法譬如覆

瓶水不得入如善戒經偈云妄語大毒

害燒壞人夫福遊行阿鼻獄刀輪為脚

足鐵毒蛇為舌無量億千劫求出生  
脫諸經要集云還生人中聾盲瘖瘂百  
病衣服故佛制之

智度第十三云不淨心欲誑他覆隱實出異語生口業是名妄語乃至若不作是名不妄語違心出語者法苑珠林九十二云違心背境出語皆虛夫下智度十三云問曰妄語有何等罪答曰妄語之人先自誑身然後誑

入以實爲虛以虛爲實虛實顛倒不  
受善法譬如覆瓶入水不得入妄語  
人心無慚愧閉塞天道涅槃之門  
知此罪是故不作善戒經者受十善  
戒經也聾盲者說文在傳云耳不聽  
五聲之和爲聾盲目無眸子也  
者說文不能言也不妄語勝  
德矣語果報如十善戒經

第五不飲酒者如律云以戒爲師者乃  
至以草頭一滴酒入口中若飲之隨咽

咽得罪夫酒者迷亂之本故智者之所  
不近衆罪之源故聖人之所永斷也耽  
其味則無惡不造感其果則無苦不受  
或居刀山割裂支節或飲洋銅燒烟玉  
臟如是無量百千萬歲受諸楚毒苦適  
出生入受死亂之報故佛制之

智度第十三云若清若濁如是等能  
令入<sub>レ</sub>心動放逸是名爲酒一切不應  
飲是名不飲酒矣酒有三十五失如  
彼廣說律云者四分第十六云佛告  
阿難自今已後以我爲師者乃至不  
得以<sub>レ</sub>草木頭內着酒中而入<sub>レ</sub>口矣正  
文以我<sub>レ</sub>以戒者恐書誤若飲下如<sub>レ</sub>沸  
苑珠林一百五廣說迷亂之本者甫  
述云酒迷亂起罪本乃至四逆從此  
而生故今制也又一切聖不飲酒者  
以具慙愧故飲念失平念故或飲等  
者有贊第六云以<sub>レ</sub>洋銅而灌其口燒

喉及口徹於腑藏從  
下而出廣說如彼

徒於六十五 是周鈔

第六不坐高廣大床者高過尺六廣過  
四尺長過八尺是也阿含經又有八種  
床共不可坐所謂金銀牙角佛師長父  
母等也爲令離<sub>レ</sub>僣逸之過故佛制之

解云樂高廣大床則僣逸之過多故  
制之經云於下足高尺六非高關

八齋戒作解

四十一

四尺非廣長八尺非大也但過此量者名高廣大床也八種床者金銀等四約貴物勝故佛等四從人勝故俱不合昇也

第七不着花鬘香衣并歌舞作樂故往觀聽者皆是為貪著醉亂之因緣為令遠離世樂安住齋戒故佛制之但按諸論意常所用衣者雖有莊嚴閑之又因

佛法事觀聽舞樂非制之限猶不可樂

著

華鬘者智旭云西域人貫華以嚴其首此土繒絨金寶製飾巾冠之類是也香衣者又云西域貴人用名香末令青衣摩身此土佩香熏香脂粉之類是也歌舞作樂者自作可知諸論者瑜伽婆沙俱舍等可考法苑珠林云如俱舍論云離非舊莊嚴何以故若常所用莊嚴不生極醉亂故也或

解云齋日不開之故云常所用斯義  
勿信用又因佛法等者今時已樂著  
信可不  
戒哉

第八不非時食者過日中以後不可食  
一切有形物一切貪中食欲是繫日夜  
朝暮汗心障道為令止長時之貪求如  
來制一食之齋法

釋氏要覽云佛為法慧菩薩說四食  
時一且時為天食二午時為法食時  
佛斷六趣因念同三世佛故制日午  
為法食正時也僧祇律云午時日影  
過一髮一瞬即非時也律云不  
過午食餓鬼聞碗鉢聲則咽中火起  
故午食尚宜寂靜況過午乎食欲者  
俱舍云姪貪食貪名之為欲與汗心  
等者如釋氏  
要覽廣記

此八種禁戒者三世如來必為在家弟

九叙近住戒  
初示齋戒時

子制出家法是故德同無漏行兼離欲  
於在家已過其分勵自心當可勤之智  
論問曰白衣居家唯有五戒更無餘法  
答云有一日戒六齋日持功德無量然  
則縱雖盡形持五戒縱雖長時行諸善  
或年三之月或六齋之日宜持齋戒爾

修淨業況於不持五戒乎況於以惡心  
造眾罪乎夫年三月者業鏡照南州鑑  
善惡於掌中六齋日者諸天下人間檢  
罪福於眼前業鏡之影誰不耻之諸夫  
之耻誰不恐之故智論云年三月六齋  
常須持齋用此功德迴施眾生果成佛



道各精進勤修慎勿致懈怠

德同無漏者漏染汗義其躰煩惱唯識第二云離煩惱時轉成無漏矣業疏二下云五但離邪未能清絕八行全淨相同無漏約期乃少取行則多故功益彼也行離欲者濟緣記二下曰欲為生死本絕欲則超生矣智度論十三云得離欲得解脫如是持戒為諸善法根本矣一日戒者八戒六齋日者古述云言六齋者黑白各三謂第八日十四十五此日鬼神得

世三日廿九日拾日

二明戒得益

傷人為令免害故須制也年主長齋者提謂經云正月本齋十五日五月本齋十五日九月本齋十五日三齋因緣如經廣說勤修精進者遺教云若勤精進事無難者懈怠者唯識云懶墮為性能障精進增染為業

此是苦海浮囊也煩惱之羅刹乞而不與此是長夜之明珠也淨信之心底敬而可守以之報釋迦廣大之恩德依之蒙諸佛

賢聖之加被下期終焉之夕預彌陀之  
攝取當來三會之曉助慈尊之化儀自  
行化他因圓果滿乃至法界平等利益  
此是者言八戒齋也苦海者五蘭盆  
經新記云三界苦逼無有邊底故喻  
如海浮囊者涅槃經云生死大海護  
戒浮囊煩惱鬼索不可小缺畏沒死  
故廣說如彼攝取  
與三會如下明

二勸請諸尊二

初標章二

初五字

### 次勸請

勸請者十住論第五云勸請多至誠  
求願矣南山云勸請有二勸請眾生  
修行戒善具諸德本  
也廣明如廣弘明集

### 先禮十方諸佛然後直踰跪合掌教之

心地觀經云先禮敬十方佛日夜增  
修清淨戒諸佛護念當受持然後者  
受者禮敬三度然後直踰跪合掌於  
斯師至誠教之其詞如左踰跪者歸

公齋戒作法要解下

二正文二

初勸請

敬儀云右膝着地此謂有所啓請悔  
過授受之儀也合掌者天台云手本  
二邊今合爲一專至一心  
一心相當故以此表敬也

弟子

某甲

奉請十方諸佛菩薩唯願降

臨道場受八齋戒慈愍故

遍

妙樂云十方爲橫三世各豎道場者  
西域記云證聖道所曰道場止觀二  
云道場清淨境界治  
五住獼猴顯實相米也

二次疑二

初愍明

二別明二

初常隨護念

縱無勸請何疑影向

夫諸佛菩薩者哀愍衆生如子如弟子

常爲不請友如影護念若修一善含咲

歡喜若行一惡降淚如雨

心地觀經云憐愍衆生如赤子以本  
願力故也不請友者維摩經註什云  
若今世後世以利交故請後動聖以  
慈應故不祈往故曰不請友如影者

二信仰求請

心地觀經云如影隨形常念得見大  
慈尊若行一惡等者地藏式云歎哉  
依我等罪障大悲  
淚無乾遍法身袂

而受者等深發堅固之淨信欲受諸佛  
之齋戒況於致敬之禮乎況於陳求  
請之詞乎

深發等者明深固菩提心大月經疏  
云菩提心者白淨信心義也恭敬禮

三親對聖眾

若智度論云恭謙遜畏難故言恭  
推其智德故言敬禮謂頂禮也

定知頭未舉早降臨道場詞未訖忽側  
塞虛空肉眼相隔雖不拜聖容本誓無  
誤誰敢生忙殆即奉對影向之聖眾可  
成就受戒之軌則偏緣勝境勿交餘念  
矣

觀經云持八戒願求生於西方極樂世界臨命終時阿彌陀佛與諸比丘眷屬圍遶放金色光至其人前合掌作禮未舉頭頃即往生極樂世界廣說如彼忽側等者智證云胡麻糲中其實充滿無空隙諸佛亦介側塞空中宛如彼實矣廣韻側旁也塞滿也忙怖也殆說文危也

次懺悔

增一阿含經云受八關齋先須懺悔前罪然後受戒與珠林云夫四重五逆佛海死屍小乘經律譬同斬首既得無開緣懺不復本依大乘經許其

沿蕩如<sub>下</sub>呪枯木還<sub>生</sub>華果<sub>古</sub>迹云懺悔時憶念斯義略攝頌曰佛誓度羣生我入<sub>一</sub>生數遍知助我善<sub>一切</sub>罪消滅<sub>美</sub>

先懺悔罪障宜成清淨之身器受得其露之戒法已作之過責心發露於未作之罪永斷相續是謂懺悔

止觀七云懺名陳露光惡悔名改往修來也罪障者重罪惡業障懺除之

則謂如死還活故云成清淨等身者約初而已其露者請天長生之藥淨戒既得則益法身延慧命故喻在其露

二示犯罪

無始生死以來六道輪迴之間觸三業六根之鼓動犯四重十惡之眾罪多於微塵之數重於大地之量經云一人一日中八萬四千念念念中所作皆是三

途業一念已爾况多劫罪障乎一生已况况多生惡業乎故華嚴經云若此惡業有體性盡虛空界不能容受

無始生死者中論云半死初後不可得是故言無始六道輪迴者心地觀經云有情輪迴生六道如車輪無始終經云者惟無三昧經法苑珠林證之華嚴經者行願品也疏鈔云無始受身已來經無量劫劫不可數二劫中受種

種身身不可數於一一身造種種業業不可數故此云若有體相者盡虛空界不可容受據理而言若懺此業清淨者所得功德亦盡虛空界不能容受以敵對相翻也雖然依一念懺悔之功力忽滅多劫積集之罪障是則惡業之力弱善業之力強故也譬如幼童揮釵斷百圍之繩般若舉焰消萬年之闇宜凝懇重誠心懺

悔自他之罪障若誦大乘之文自有滅罪之力

譬如等者解云喻有二種一、世間喻天台所謂辟如十圍之繩千夫不削童子揮釵須臾兩分意今謂懺悔功亦如是二、出世喻意顯也般若舉焰約觀照之德遺教經云亦是無明黑暗大明燈也消萬年之闇者法苑珠林云無始已來所造諸惡猶如闇室懺悔正解狀若明燈一照昏闇皆除

愈戒作法要解

般若 普賢觀經  
衆罪非如草露惠日  
消除又文

矣良以懺除功力入道要故言疑  
懺重等也若誦大乘之文者謂是所  
下唱兩經文也我昔等一頌華嚴行  
願品四句也普賢觀經偈云若有眼  
根惡業障眼不淨但當誦大乘思念  
第一義○一切業障海○懺悔六情  
根

二示受者

已下法則  
汝等隨我詞唱之曰

三懺悔文

華嚴行願品文  
我昔所造諸惡業 皆由無始貪瞋癡

從身語意之所生 一切我今皆懺悔

善賢觀經文  
一切業障海 皆從妄想生

若欲懺悔者 端坐思實相

衆罪如霜露 慧日能消除

是故應至心 勤懺六根罪

南無慚愧懺悔六根罪障滅除煩惱滅



除業障

不思議疏上云南無者度我也亦云  
敬禮也慚愧者釋氏要覽云大雲經云  
慚愧者衆善之衣服唯識論云慚者  
依自法九崇重賢善羞耻過惡為性  
愧者依世間九輕拒暴惡羞耻過惡  
為性兵煩惱者唯識論疏云煩是擾  
義惱是亂義擾亂  
有情故名煩惱也

次三歸羯磨

初標章

四三歸羯磨二

二正文二

初示三歸其二

初歸依三寶三

初明三寶名

羯磨者名義集云南山引明了論疏  
翻為業也所作是業亦翻所作若以  
義求翻為辦事謂施造遂法必有成  
濟之功焉天台禪門翻為作法兵今  
言三歸得戒作法也多論問云不受  
三歸得戒五戒不答不得也要先投歸  
友得戒矣今亦  
个戒可例同也

先歸依三寶可成就戒三寶者佛法僧  
三也佛者覺了為義法者軌則為義僧

者和合為義此三種法能利眾生近拔  
三有絕離有漏遠越一死莊嚴法身故  
名寶

解云明歸意如十住心論隨機羯磨  
云薩婆多論云以三寶為所歸欲令  
救護不得侵陵故也先歸依三寶者  
優婆塞戒經云先歸依三寶然後受  
戒若終身受若一月一夜所謂優婆  
塞八戒齋法也軌則者要覽云梵音

上列四三寶

造磨華言法以軌持為義謂軌物生  
解任持自性和合為義者名義集云  
大論秦言衆多比丘一處和合是  
名僧伽譬如大樹叢林是名為林

高祖南山大師立四種三寶一體理體  
化相住持是也此中一體住持二種三  
寶為惑眾生殊以至要也一體二寶者  
離我不可求於外唯信自心有常住佛

蓮花三昧經同

性之理是也。梵網經中佛說云：大衆心  
諦信汝是當成佛。我是已成佛。常作如  
是信戒本已具足。卽此意也。住持三寶  
者。形像舍利及塔廟等。爲佛寶。顯密權  
實聖教等。爲法寶。六和具足。四人已上  
爲僧寶。

高祖南山者。道宣大師歸敬儀中。立  
四種三寶。廣明如彼。六和具足等者。  
要覽云。以慈心起身業。以慈心起口  
業。以慈心起意業。若得重養。與人共  
之。若行此六法。則衆和順。無有誹謗。  
僧史略云。凡四人已上。名僧。今一人  
稱僧者。從  
衆名之也。

是則出邪入正之要門也。順之者  
必證常樂。背之者常屬外道。

三寶實義

是指上三寶古述云佛法僧寶  
出邪之大津入道之要門也順之者  
必證常樂背之者常沈苦海邪見違  
逆罪莫大焉矣津者說文水渡也

次歸依者迴轉之詞也出生死四魔之  
境歸如來常住之道如子隨父似民憑  
王縱捨身命終不歸餘邪魔外道是名  
歸依專住堅固淨心勿致餘念散亂

三歸依意

如子隨父等者大乘義章云歸投依  
伏故曰歸依歸投之相如子歸父依  
伏之相如民依王矣縱捨身命等者  
優婆塞戒經云若歸佛已寧捨身命  
終不依外道典籍若歸僧已寧捨身  
命終不依外道邪眾矣邪魔外道者  
釋論所言魔者四種大魔三萬二千  
眷屬魔眾言外道者九十六種諸大  
外道九萬三千眷屬外道又云魔及  
外道云何差別所言魔者今作惡事  
言外道者今捨善事二種差別應如  
是知具云魔羅此云殺者又名奪命

二唱歸依詞二

初教示作法

堅固淨心者善戒經云其心  
堅固不可破壞是名堅固淨

教二遍禮拜然後亦踰跪合掌

我其歸依佛歸依法歸依僧一日一夜  
乃至一月一  
年盡形壽等  
為淨行近住

我其歸依佛竟歸依法竟歸依僧竟

隨機羯磨云三授已告云向授三歸正是戒體今又三結示戒所歸

五續八戒相二

初標章

二正文二

初投八戒相

次說戒相

諸佛盡壽如不殺生一日一夜不殺生

是近住戒汝若有二三人乃至數人當云汝等若復制頭之人可

能持否 能持

諸佛盡壽如不偷盜一日一夜不偷盜

是近住戒汝 能持否 能持

八齋戒作法要解

五十七

三〇 諸佛盡壽如不姪洗下一日一夜不姪洗

是近住戒汝

能持否

能持

四〇 諸佛盡壽如不妄語下一日一夜不妄語

是近住戒汝

能持否

能持

五〇 諸佛盡壽如不飲酒下一日一夜不飲酒

是近住戒汝

能持否

能持

高下六下廣下八下

六〇 諸佛盡壽如不坐高廣大床下一日一夜

不坐高廣大床是近住戒汝

能持否

能持

七〇 諸佛盡壽如不香油塗身下著香薰衣歌

舞作樂故往觀聽上一日一夜者則是是

近住戒汝

能持否

能持

八諸佛盡壽如不過晝食一日一夜不過

晝食是近住戒汝

能持否

能持

此是如來八支正戒也若能持之者永

離諸苦海疾成無上道善生經偈云若

人持八戒當如諸佛正法受持不毀犯

當知身與意俱時得解脫此名涅槃路

### 諸佛之所行

八支正戒者佛說齋經云何謂三齋

佛言一牧牛齋二屏健齋三佛法齋

○第三佛法齋者內道弟子月六齋

日受持八戒今簡初二故云八支正

戒又中阿含經云多聞聖弟子持八

支齋時憶念如來十號名字若有惡

思不善皆滅矣支廣韻云分也戒相

分八種故也永離諸苦海等者禮戒

文云我今盡皆正迴向除生死苦至

菩提善生經偈者恐書誤全十善

六發願迴向二

初迴向意三

初明迴向勝劣

經文也

但依願樂差別有受報勝劣以之迴入  
天者忽感輪王釋王之勝報以是迴善  
提者遂登等覺妙覺上位如智論云若  
世間人下品持戒得生入中品持戒  
生於天上乃至上品清淨持戒得至佛

道若破戒者墮三惡道當知出離之遲  
速唯在迴轉之進退

解云但依願樂等者迴向必帶發願  
故也受報三品優劣文相明矣凡於  
是廣用迴向意欲以下所受正戒香薰  
周潤一切眾生共成平等覺道故青  
龍疏五云迴向者照理不任且迴大  
悲救物名向止觀七云迴向者迴  
眾善向菩提輪王者約四天下釋  
者約天帝名義可解智論者如第

八齋戒作法要解



三、墮、三惡道者如  
法苑珠林一百八

豈著世間假名之法不願淨土安樂之  
處乎輪王之位七寶不久天上之樂五  
衰早至唯非眼前樂盡哀來亦臨命終  
隨罪墮苦況於餘人乎況於下界平凡  
三界獄縛無一而可樂

者世間等者言深著世樂無有慧心  
世間者憐云三界有漏可破壞故名  
為世間假名者起信疏云執相計名  
發動身口造一切業即苦因也淨土  
安樂者即極樂世界也無量壽經云  
去此十萬億刹其佛世界名曰安樂  
五、衰早至者珠林第八云諸夫中將  
命終位先有二種五、衰相現一、小  
大廣說如彼大相者一、衣服垢穢二、  
頭上華萎三、腋下汗流四、身體臭穢  
五、不樂本座

然則以受持此齋法之功不求人天有  
漏之報偏迴向菩提宜往生佛國一生  
清淨之土永別苦輪之海處是不退無  
三途八難畏壽又無量無生老病死之  
患心事相應無愛別離苦慈眼無觀無  
惡憎會苦善業之報無求不得苦不壞

之身無五盛陰苦況亦以宿命智憶念  
過去之恩所以方便力濟度無邊之衆  
生如此之利益誰不樂之乎須拋衆事  
下心勤修若然者別此界之時聖衆來  
迎之儀無愆生彼國之後還來救世之  
願早遂

不求今天等者珠林云受持八戒不  
乘輪王梵世世界樂願斷煩惱成就  
佛道迴向菩提者十住論五云迴向  
菩提者迴諸福德向阿耨多羅三藐  
三菩提故往生佛國等者如觀經永  
別苦輪海者青龍疏云斷障云長別  
苦輪海者苦通三界往反不息迴轉  
如輪那沈深大如海處不退者迦才  
淨土論云今依經論釋有四種○四  
處不退謂西方淨土也故無壽終去  
彼土無有邪定及不定聚名○問曰夫  
論不退須據行位云何依處得不退

耶答曰行位不退由內無煩惱處不  
退由外無境界○若在穢土中由五  
退緣故即退若生西方由無五退緣  
故不退也云云八難者古述云八難者  
有說八無暇謂三惡趣北洲長壽天  
半盲半聾世智辯聰佛前佛後自無  
半老至無五盛陰彼土明無八苦經  
云其國眾生無有眾苦但受諸樂言  
八苦者玄贊云半苦者眾苦所依故  
○老苦者時分變異故○病苦者四  
大變異乖適故○死苦者壽命變壞  
故自餘四苦廣明如彼以宿命智等

者智度九十四云用宿命智念過去  
在在處處諸佛名字及弟子衆尊勝  
陀羅尼經云一切生處憶持不忘常  
識宿命須拋衆事等者發心集云拋  
萬事當勵一心非此度者何時別此  
界等者即臨命終時也智旭云彌陀  
聖衆不來而親承接引行人心識  
不往而往托質寶蓮也還來救世之  
願者智度九十四云從諸佛種善根  
還來本國是菩薩漏盡神通智證用  
神通智證故爲衆生隨應說法○應  
如是遊戲神通能淨佛國成就衆生

救世禮懺文云不捨悲願救世間世  
者法藏云三世間中是衆生世間即  
所救也

願以此功德普及於一切我等與衆生  
皆共成佛道

此文師資同音唱之  
法華投記品文也

願以此清淨廣大戒善早出妄想輪迴

二發願迴向二

初唱迴向願文

二發願迴向

之鄉願以此真實報恩之誠速託西土  
安樂之蓮九品蓮臺月前早拜彌陀之  
聖容七重寶樹華下速悟真如之如理  
宿緣無朽期再會於彌陀寶前機感有  
受待值遇於慈尊龍華現世保百二十  
年之壽福當來託一佛淨土之蓮臺乃

至功德有隣善根無限三界六道沈沈  
眾生載弘誓之船送覺岸四生八難蠹  
蠹含識執智炬之光照迷闇矣

此文師獨至心誦之願者發願也觀  
七云發願者誓也行願品疏鈔三云  
迴向是總發願是別以迴向則必兼  
發願故珠林二十八云發願者願是  
能引行是起作若有願無行願則虛  
若有行無願行則孤由有願故行不

願由有行故願不虛願行相扶證果不虛  
散善我云迴向發願心者以此所修善  
根真實深信心中迴向願生彼國故  
名迴向發願心也清淨等者大阿彌  
陀經云當持齋戒一心清淨欲生阿  
彌陀佛國云云早出等者舉狀離鄉  
願以等者散善文明也智旭云我今  
以八齋戒功德四恩總報普與衆生  
同生淨土也速託下述欣求由安樂  
蓮者法華云即生安樂世界阿彌陀  
佛大衆圍遶住處生蓮華中寶座上  
矣斯蓮有九品廣說如觀經今文正

在上品上生彼金剛臺此蓮臺元眼云今  
剛臺者即上品生文觀經云生彼國已  
蓮臺也見佛色身衆相具足今早拜聖容是  
七寶重樹廣說如阿彌陀經觀經光明寶林  
亦非異所謂光明寶林演說妙法聞  
已即悟無生法忍故今云速悟真如  
如理淨土論云證理得無生法忍  
由證遍滿法界二空真如矣宿緣無  
虧者上文云此戒往生淨土正因故  
今云期再會等機感下通亦明爲  
率往生淨業正因也上主經云應持  
五戒八齋具足戒云云有受者謂受

慈尊教示故云待值遇等慈尊者文  
句云彌勤此云慈氏也龍華者下  
生經云坐龍華樹下三會說法矣保  
百二十年者如妙見傳依五蘭盆經  
則福壽百年當來下明聖衆俱會樂  
小阿彌陀經云願生彼國所以者何  
得與如是諸上善人俱會一處不可  
以小善根福德因緣得生彼國今已  
清淨能受持故云功德有隣等弘誓  
者天台云一切諸願四弘攝盡故名  
爲總願今所謂四弘正約六八謂四  
十八願也清淨覺經云就此娑婆世

界呼喚衆生令上大願船送著西方  
矣四生等者舉六趣歎光益無量壽  
經云其在衆生遇斯光者三垢三消  
滅人天若在三塗勤苦處見斯光明  
皆得解脫光明益蠹蠹者說文云動  
也含識者元照云卽月羣生也智炬  
者說文炬炬善導疏云輝智炬朗重昏  
於永夜華嚴云善知識者趣向一切  
智炬遺教云以智慧明滅諸癡暗信  
八戒齋福所修善根迴向願求生彼  
世界卽得往生常見佛故終無有退  
住正定故如來勝方便謹勿疑法華

云我今為汝保任此事終不虛矣乘  
菩薩正興亦作法而保任善八齋戒德莫  
大利益豈唐捐哉能  
受道俗奉行焉矣

八齋戒作法要解卷

夫資急用在齋戒防禁三業抖擻  
六塵出生死鄉到涅槃城濁世末  
代目足斷惡修善祕方寔正法弘  
傳之壽命著已三世誌佛之家法  
明於茲道俗才子奉行在於此作  
法雖予昏昧無隱地集論章要  
文叨做注脚不顧多眾壽良梓  
葭願曰



願持齋戒諸功德 廻向無餘界有情  
令獲勝生增福惠 同登冒地涅拌城  
延寶歲在己未首夏佛生日薩陽  
求法沙門一兩子謹誌

內藤源兵衛  
中村七兵衛  
梓行

刊春

